

2024

THADOU KUKI

(Modern Indian Language)

Full Marks : 100

Pass Marks : 33

Time : Three hours

The figures in the right margin indicate full marks for the questions.

HETSAHNA

(Instructions)

- (i) *Thucheng lamdohsah (spelling) hi Thadou-Kuki Holy Bible spelling to kitoh ding ahi.*
- (ii) *Thudoh ho hi jatli (4) in akikhenin abonna donbut cheh ding ahi : Hichu – Sec. A. (i) Prose, Sec. A. (ii) Poetry, Sec. B – Reading, Sec. C – Writing, Sec. D – Grammar ahi.*
- (iii) *Themvetna apang hon section khat le section dang phengmai khat a jihlut khom lou ding ahi, ti he cheh un.*

SECTION – A

(i) PROSE

25 Marks

1. Eimiten Indoi sem na'a chu ipi pi ana manchah ji uvem? Thilmin ho chu sun in.

2+2=4

P.T.O.

2. Jonlhing ipi jeh'a phah ham? Aphah jeh a chu hoija akoi uvem? 2+2=4
3. Agam uva nisa lhum ngailou ti'a anakihe mikangte Kukiten ana kidoupiu chu ipi jeh'a ham? Ajeh ho nahet dan in sun in. 1+2=3
4. ARSH ipi tina ham? Amin lhingset in sun in? 1+2=3
5. Tha'ngkam ipi tina ham? Tha'ngkam ho jat ni sun in. 1+2=3
6. Adolescent hi kum ijat a pat ijat chan ham? Numei jin nao neithe i tante tihi iti kihet ham? 1+1=2
7. Dr. S. Radha Khrishnan hi itih kum'a India Vice-President hi am? Ama mihi na khat sunnin. 1+1=2
8. Anglo Kuki Gal simmun hi koi sut ham? Thingkho le Malcha kiti hi ipi tina ham? 1+1=2
9. Jonlhing a' Ailam nu min ipi ham? 1
10. Itih kum ma Lonpi Kho hi meija ana kihal lha am? 1

SECTION – A

(ii) POETRY

25 Marks

11. Ningju Aisa Lonna hi koi la sem ham? Ipi agel'a asem ham? Nangma deilam in hilchen in. 1+1+2=4
12. "Janglam...dongkot, Hongdehta...
Gelpol janglam...makaina sietlei

Thangvanjol kiling nante...

Thangvanjol jollai...khandang nante"

Hiche Jaila hi hoija kon na kila doh ham ? Chuleh hilchen in. 2+2=4

13. Jampineng in ala bol "Chungleng Vabanga" ati hi ipi jeh'a asej hin tem? Ichan geija genchei tah 'a Missionary na atoh am? 1+2=3

14. Lhavamvah jaila hi koi sem ham? Lhavah avah choidan chomlam tah in sunnin. 1+2=3

15. Lunglaigila a Lhamonna mun jaila hi nangma sut hitaleh amin hi ipi nasah dem? Ajeh sunnin. 1+2=3

16. Mangla kiti jaila hi koi semham? Atuppi pen point khat sun in. 1+1=2

17. HANLA Jaila a itih kum ma ana kitem ham? Koi sem ham? 1+1=2

18. Ipi atile Lhavamvah sempan Nisavah sang'a Lhavah adeijoh ham? Hilchen in. 1+1=2

19. Haosat kiti hi koitobang hon ana poh ji uvem? 1

20. Jampineng hin, ahinkho koidia ana peh doh ham? 1

SECTION - B

(READING)

10 Marks

21. Anoiya simbeh (passage) hi simmin lang dohna ho donbut in.

Keiman guhthim'a kilungset sang'in kiphosal kadei joi. Phat atam jon thudih kiseibou hin, lhahsamna leh sukhel mulouna asosah theije. Ijeh-inem itileh

vannoija thudih chepiho joh lolhing ahi. Thudih hin eima thepmona eimu sah keo hilouvin nopmo-sahna, kisih theina le kikhel sahna jong eipeovin ahi. Loile pai dihtah'in vang jouthu kipanna thei sang'in thudih'a kiponna abol joi. Hetthei khat chu, jouthu hin phatna sang'in setna tichu Nulepa, loile Pai chuleh insung kikh'a hinkho lhunga tahsan lal jeh'a kikhentel na aso sahjin hinla thudih le thudih vang chu achekhom theijin kitomona jong pan khom nan akhel ji'e. Thudih apetna ngaida umjong leh oltah'a gelthemnan alhut teijin ahi. Hoilai kihenna (Court) hihen, Sorkar kivaihomna (Government Administration) hile thudih akipom soh kei jin chuleh lhangphong dan (Law) in akisem in ahi. Thudih'in adih alambe'in, loile pai dih, lungset, leh kipana dihtah adng dang sum'a choh jou lou neile gou alamdoh sah'e. Mithupi le minthang'a kihe jousen athusim uva adih akolchah'un eihon kihilna le hetnan imang uve. Hichu kaseina ahi thudih akhang khang'a amangpoi chuleh amangthei poi katilona pen. Achekhom theilou, thudih le Jouthu lhengding chu eiho ihuive.

Dohnaho :

- (i) Hiche Simbeh sunpan ipi sanga ipi kadei joi ati am? Chuleh thudi kiseilou hin ipi asosah theije ati am? 1+1=2
- (ii) Thudih hin thepmona seh hilouvin adang ipi jong eipeove ati am? Loile pai dihtah'in vang ipi abol jo'e ati am? 1+1=2
- (iii) Nulepa, loi, pai le insung kikh'a kikhentel na ipi jeh'a aum'e ati am? Thudih le thudih kitomona chu ipi in akhel ji'e ati am? 1+1=2
- (iv) Hoilaiya thudih chu kipom soh keija lhangphong dan'a kitem am? Thudih in ipi pi alambe am? 1+1=2

- (v) Ipi jeh'a Simbeh (Passage) hin thudih amang poi ati ham? Thudih le Jouthu
lheng ding chu koi ahe atim? 1+1=2

SECTION – C

(WRITING)

30 Marks

22. "Gul chuh louvin, Gul gu nat ahe poi" kiti Gollui paochamtuh hi mangchan lang
thulom khat thucheng 80-150 kikh in sunnin ? 2+3+3=8
23. Nangma hi Kuki Inpi Manipur President in kigel in lang Hon'ble Prime
Minister Government of India pa komma Memorandum jih inlang, tuchung gal
a hung jam a relief camp a umho nehle chah le sil le chen ho kithopi na thum
in lang, aboina ho gah hetssah in lang gah sunnin. 5+3=8
24. Manipur a Christiante umchan le lungput dan school magazine'a so dingin
thucheng 50-80 kikh mangchan lang nangma deitah in jih in. 2+2=4
25. New Delhi a um Nagolpa Lalboi Chongloi lekha thot sun inlang, tuchung Class
XI Promotion Examination, 2024 adia akigot dan ho dong in lang nangma kigot
dan jong gah hetsah in. Nangmin XYZ in sunin. 2+2=4
26. Moreh Ward No. 2, khosung Youth President dan nin kigel inlang nikho 10th
March, 20, nidan 10:30 choma teng leh Social Services bol na ding in hetsah
na thuphon in? 1+2=3
27. Kangpokpi le Lamka kikal a Bolero Services sung'a nangma HSLC Original
Certificate nasumang kha in hichu Eimi Times news a soding in chom kim tah
in gah jih in. 1+2=3

SECTION – D

(GRAMMAR)

10 Marks

28. (i) Thubahkhen ijat um ham? 1
- (ii) Ngalchang kiti hi Masculine gender, Feminine gender in khel in? 1
- (iii) Kaimat cheng (Conjunction) thucheng 'hijeh chun' ti hi mangchan lang thulhon khat sunnin. 1
- (iv) Photlot cheng (Interjection) 'Kaden' ti thucheng hi mangchan lang thulhon khat sunnin. 1
- (v) Seiboi jin "Keima tuhin kakisalal lneh e" ati
Indirect speech in kheldoh in. 1
- (vi) Thadou Kuki paova amanchah jiu phatthei bohna thucheng khat leh gaosapna thucheng khat sunnin. 1
- (vii) Verb kiti hi Thadou-Kuki paova. 1
- (A) Minpu
- (B) Kaimat
- (C) Photlot
- (D) Tohphong tina ahi.
- (viii) Number kiti hi, 1
- (A) Jatsim
- (B) Hina nei
- (C) Mingun
- (D) Minlhang tina ahi.

(ix) Thadou-Kuki Literature Society (TKLS) a tu le tu'a Chairman koi ham?

1

(A) Dr. Ngamkhohao Haokip

(B) Dr. Seikho Singsit

(C) Jamkholim Kipgen

(D) Henkhochon Chongloi.

(x) Sanction kiti hi,

1

(A) Ngailhahna

(B) Kouna

(C) Phalpehna

(D) Kipana tina ahi.

SECTION - A

IN PROSE

25 MARKS